



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Agenda Ecclesiae Paderbornensis**

**Dietrich <Paderborn, Bischof>**

**Paderbornae, 1602**

Altera forma exorcismorum ac fugandum daemonem.

**urn:nbn:de:gbv:23-drucke/s-483a-2f-helmst3**

## ALTERA FORMA EX-

## ORCISMORVM AD FVGANDVM

dæmonem de corporibus oppressis, vel  
etiam maleficiatis.

Sacerdos indutus vt supra, dicit :

In nōmine Patris ✠ & Filij ✠ & Spiritus  
✠ sancti. *Resp. Amen.*

Nos cum prole pia, benedicat virgo Maria.  
Ecce cru ✠ cē Domini, fugite partes aduersę:  
Vicit leo de tribu Iuda, radix Dauid.

*Verf. Domine exaudi orationem meam.*

*Resp. Et clamor meus ad te veniat.*

*Verf. Dominus vobiscum.*

*Resp. Et cum Spiritu tuo.*

### O R E M V S.

**D**Eus Angelorum, Deus Archangelorum,  
Deus Prophetarum, Deus Martyrum, Deus  
Confessorum, Deus Virginum, Deus & Pa-  
ter Domini nostri IESV Christi, inuoco no-  
men sanctum tuum, ac præclare maiestatis  
tuæ clementiam suppliciter exposco; vt mi-  
hi auxilium præstare digneris aduersus hunc  
nequissimum Spiritum, & omnem qui ve-

xat hoc plasmatum. Per eundem Dominum nostrum Iesum Christum filium tuum qui tecum viuit & regnat in vnitate Spiritus sancti Deus per omnia sæcula sæculorum.

*Resp. Amen.*

**E**Xorciso te immunde Spiritus, omnis incurio aduersarij, omnis ira, omne phantasma, omnis legio, in nomine Domini nostri **IESU CHRISTI**, eradicare & effugare ab hoc plasmate Dei. Ipse tibi imperat, qui te de supernis cælorum in inferiora terræ demergi præcepit. Audi ergo, & nunc Satana victus & prostratus abscede, in nomine Domini nostri Iesu Christi. Tu ergo nequissime Satana, inimice fidei, hostis generis humani, mortis adductor, vitæ raptor, iustitiæ declinator, malorum radix, fomes vitiorum, seductor hominum, proditor gētium, incitator inuidiæ, origo auaritiæ, causa discordiæ, excitator dolorum, malorum magister, quid stas & resistis, cum scias Deum tuas perdere vires? illum metue, qui in Isaac est immolatus, in Ioseph venundatus, in agno occisus, in homine crucifixus; deinde inferni triumphator exstitit gloriosus. Recede ergo in nomine Pa

✠ tris, & Fi ✠ lii, & Spiritus ✠ fan-

✠ sancti. Da locum Spiritui sancto, per hoc  
 signum crucis ✠ Hic signet cruce frontem obfesi.  
 Domini nostri Iesu Christi: qui cum Patre  
 & Spiritu sancto viuit & regnat Deus, per  
 omnia sæcula sæculorum. *Resp. Amen.*

*Si non dum recesserit Spiritus malignus, Sacerdos  
 prosequitur.*

*Vers. Dominus vobiscum.*

*Resp. Et cum Spiritu tuo.*

**O R E M V S.**

**D**EVS conditor & defensor humani ge-  
 neris, qui hominem ad imaginem tuam  
 formasti, respice super \* hunc famulum  
 tuum ( hanc famulam tuam ) **N** \* qui  
 ( quæ ) dolis inuidi serpentis appetitur \*  
 quem ( quam ) vetus aduersarius, antiquus  
 hostis terræ, formidinis horrore circum-  
 uolat, & sensum mentis humanæ, stu-  
 pore defigit, terrore conturbat, & me-  
 tu trepidi timoris exagitat: Repelle Do-  
 mine virtutem diaboli, fallacesque eius in-  
 sidias amoue: procul impius tentator aufu-  
 giat. Sit nominis tui signo crucis ✠ in  
 fronte \* famulus tuus munitus (famula tua  
 munita) & in anima \* tutus (tuta) & corpore.

Hic ter faciet signum crucis in pectore, dicens:

**T**u pectoris huius ✠ internā custodias; tu viscera ✠ regas, tu corda ✠ confirmes; in anima aduersaricis potestatis tentamenta euanescant. Da Domine ad hanc inuocationem sanctissimi nominis tui gratiam, vt qui huc vsq; terrebat, territus aufugiat, & victus abscedat, tibiq; possit hic famulus tuus (hac famula tua) & corde & mente prabere famulatum. Per Christum Dominum nostrum. **Resp. Amen.**

**A**diuro te serpens antique, per iudicem viuorum & mortuorum, per factorem tuum, per factorem mundi, per eum qui habet potestatem mittendi te in gehennam, vt ab hoc famulo (hac famula) Dei **N.** qui (quæ) ad Ecclesiæ sinum recurrit, festinus discedas. Adiuuro te iterum, non mea infirmitate, sed virtute Spiritus sancti, vt desistas ab hoc famulo (hac famula) Dei **N.** quem (quam) omnipotens Deus ad imaginem suam fecit. Cede igitur, cede, non mihi sed ministro Christi. Illius enim te vrget potestas, qui te, affixus cruci, subiugauit: illius brachium contremisce, qui deuictis gemitib; inferni ani-

mas ad lucem perduxit. Sit tibi terror corpus hominis: Sit tibi formido imago DEI. Ne resistas, nec moreris discedere ab homine; quoniam complacuit DEO in homine habitare. Et ne contemnendum me putes, dum me peccatorem esse cognoscis, imperat tibi Deus, imperat tibi maiestas Christi; imperat tibi Deus Pater, imperat tibi Deus Filius, imperat tibi Deus Spiritus sanctus; imperat tibi fides Apostolorum Petri & Pauli, & cæterorum Sanctorum, imperat tibi Martyrum sanguis; imperat tibi Sacramentum Crucis; imperat tibi mysteriorum virtus. Exi ergo transgressor, exi seductor, plene omni dolo & fallacia, veritatis inimice innocentium persecutor. Da locum durissime, da locum impiissime, da locum Christo, in quo nihil inuenisti de operibus tuis; qui te spoliavit, qui regnum tuum destruxit, qui te victum ligavit, & vasa tua diripuit: qui te proiecit in tenebras, ubi tibi cum ministris tuis erit preparatus interitus. Sed quid truculente recogitas? quid temerarie retractas? reus omnipotenti Deo es, cuius statuta transgressus es: reus es filio eius Iesu Christo Domino nostro, quem tentare ausus es, & crucifigere presumpsisti: reus es humani generis, cui tuis persuasionibus mortis fructum propinasti.

Si adhuc non cessauerit, aut recesserit, prosequitur Sacerdos.

**Verf.** Dominus vobiscum.

**Resp.** Et cum Spiritu tuo.

**ORÉMVS.**

**D**omine sancte, Pater omnipotens, aeternae Deus Osanna in excelsis, Pater Domini nostri Iesu Christi, qui illum refugam, tyrannum, & apostatam gehennae ignibus deputasti: qui unigenitum tuum in hunc mundum misisti, ut illum rugientem contereret: velociter attende, accelera, ut eripias hominem, ad imaginem & similitudinem tuam creatum, a ruina & demonio meridiano. Da Dominum terrorem tuum super bestiam quae exterminat vineam tuam; da fiduciam seruis tuis, contra nequissimum draconem pugnare fortissime, ne contemnat sperantes in te, & ne dicat sicut in Pharaone iam dixit, DEVM non novi, & Israel non dimittam. Urgeat illum dextera tua, potens expellere a famulo tuo (famula tua) **N.** ne diutius captiuum praesumat tenere hominem, quem tu ad imaginem tuam facere dignatus es: & in Filio tuo redemisti. Qui tecum vivit & regnat in unitate Spiritus sancti DEVS, per omnia saecula saeculorum.

**Resp.** Amen.

**A** diuro

**A**diuro ergo te draco nequissime, in nomine Agni immaculati, qui ambulauit super aspidē & basiliscum, qui conculcauit leonem & draconem: vt discedas ✠ ab homine, discedas ab Ecclesia ✠. *Hic producit signum super circumstantes.* Contremisce & effuge, inuocato nomine Domini; quem inferi tremunt; cui virtutes caelorum, potestates & dominationes subiectæ sunt; quem Cherubin & Seraphin indefessis vocibus laudant: imperat tibi Verbum caro factum, imperat tibi natus ex virgine, imperat tibi Iesus Nazarenus, qui te cum discipulos eius contemneres, elisum atq; prostratū, exire præcepit ab homine; quo presente, cū te ab homine separasset, nec porcorū gregē contingere præsumebas. Recede ergo nūc adiuratus in nomine eius ab homine quem ipse plasmavit. Durum est tibi velle resistere, durum est tibi contra stimulum calcitrare: qui quanto tardius eis, tanto maius tibi supplicium crescit: quia non homines contemnis, sed illum qui venturus est iudicare viuos & mortuos, & sæculum per ignē.

*Resp. Amen.*

*Si oppressus nondum fuerit liberatus, profertur  
quitur sacerdos.*

*Verf*



**Verf.** Dominus vobiscum.

**Resp.** Et cum Spiritu tuo.

**O R E M V S.**

**O**Mnipotens Domine, Verbum Dei Patris, Christe Iesu, DEVS & Dominus vniuersæ creaturæ, qui sanctis Apostolis tuis dedisti potestatem calcandi super serpentes, & scorpiones; qui inter cætera mirabilium tuorum præcepta, dignatus es docere, dæmones effugare; cuius virtute motus tanquam fulgur de cælo Satanas cecidit: tuum sanctum nomen cum timore & tremore suppliciter deprecor, vt indignissimo mihi seruo tuo, data venia omnium delictorum meorum, confidentiam & possibilitatem donare digneris, vt hunc crudelem draconem brachij tui sancti munitus potentia, fiducialiter & secure aggrediar: Per te Iesu Christe Domine Deus noster. Qui venturus es iudicare viuos & mortuos & sæculum per ignem. **R. Amen.**

**A**Diuro ergote omnis immundissime spiritus, omne phantasma, omnis incurfio Satana, in nomine Iesu Christi **✠** Nazareni, qui post lauacrum Iordanis in desertum ductus est, & te in tuis sedibus vinxit, vt quem de limo terræ ad honorem gloriæ suæ formauit, tu desinas impugnare: & in homine misera-

bili

bili non humanam fragilitatem, sed imaginem omnipotentis Dei contremiscas. Cede ergo Deo, qui te, humiliato Iob, in seruitute redegit. Cede Deo, qui malitiam tuam in Pharaone, & in eius exercitu per Moysen in abyssum demersit. Cede Deo, qui te per Danielē prostravit. Cede Deo, qui te per seruū suum Dauid, de rege Saule pulsum fugauit. Ille te perpetuis flammis vrgeat, qui diciturus est impijs: Ite maledicti in ignem aeternum, quē pparauit pater meus diabolo & angelis eius. Tibi enim impie vermes erunt, qui nunquā morientur: Tibi pparatur inextinguibile incendium, quia tu es princeps maledicti homicidij, tu author incestus, tu sacrilegorum caput, tu artium pessimarum magister, tu hereticorum doctor, tu totius obscœnitatis inuentor. Exi ergo impie, exi scelerate, exi cum omni fallacia tua. Quid diutius moraris? Da honorem Deo Patri, cui omne genu flectitur. Da locum Iesu Christo, qui pro homine sanguinem suum fudit. Da locum Spiritui sancto, qui per beatum Petrum te manifeste stravit in Simone mago: qui fallaciam tuam in Anania & Saphira condemnauit: qui te in Herode Rege honorem Deo non dante percussit: qui te in Barieu mago, per Apostolum suum Paulum cœcitatatis caligine perdidit: &

per eundem de Phitonissa, verbo imperans, exire præcepit. Discede ergo nunc, discede seductor: tibi eremus sedes est, tibi habitatio serpens est. Humiliare & prosternere, iam nõ est differendi tempus. Ecce enim dominator Dominus proximat cito, & ignis ardebit ante ipsum, & præcedet, & inflammabit in circuitu inimicos suos. Si enim hominem fefelleris, Deum non poteris irridere: Ille te eicit, cuius oculis nihil occultum est: ille te expellit, cuius virtuti vniuersa subiecta sunt: Ille te excludit, qui tibi & angelis tuis præparauit aeternam gehennam; de cuius ore exiit gladius bis acutus: Qui venturus est iudicare viuos & mortuos & sæculum per ignem.

**Resp. Amen.**

*Possunt legi Psalm. Deus in adiutorium. Psalm. In Domino confido. Et Psal. Quid gloriaris in malitia, &c. Item Litanæ cum precibus suis & orationibus.*

